

薛氏集异记

薛用弱

文硕阁

wenshuoge.com

目录

关于我们	3
提要	5
集异记全文	6

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

小說家 二【异闻之属臣】等谨案集异记一卷唐薛用弱撰案唐书艺文志载用弱字仲胜长庆中光州刺史其里籍则未之载此本卷首题曰河东然唐代士族率标郡望刘必彭城李必陇西其确生何地固未之知也是书所记凡十六条晁公武读书志称其首载徐佐卿化事此本亦以此条为首与晁氏所记合盖犹旧本世所传狄仁杰集翠裘王维郁轮袍王积薪妇姑围碁王之涣旗亭画壁诸事皆出此书其良常山新宫铭洪迈随笔推为奇作苏轼与子过诗所谓尔应奴 蔡少霞我亦伯仲山 卿者即用其事卷帙虽狭而歷代词人恒所引据亦小說家之可采者陈振孙书録解题谓是书一名古异记然诸家着録俱无此名不知振孙何本又唐比部郎中陆勲亦有集异记二卷与用弱书同名故文献通考题勲书为陆氏集异记以别于用弱书焉

集异记 全文

徐佐卿

明皇天宝十三载重阳日猎于沙苑云间有孤 徊翔焉上亲御弧矢一发而中其 则带箭徐坠将及地丈许欻然矫翰西南而逝万众极目良久乃灭益州城距郭十五里有明月观焉依山临水松桂深寂道流非修习精嫠者莫得而居观之东廊第一院尤为幽絶每有自称青城道士徐佐卿者风局清古一歲率三四而至焉观之耆旧因虚其院之正堂以俟其来而佐卿至则栖焉或三五日或旬朔言归青城甚为道流之所倾仰一日忽自外至神爽不怡谓院中人曰吾行山中偶为飞矢所加寻已无恙矣然此箭非人间所有吾留之于壁上后年箭主到此即宜付之慎无坠失仍援毫记壁云留箭之日则十三载九月九日也及 宗避狄幸蜀暇日命驾行游偶至斯观乐其佳景因遍幸道室既入此堂忽覩挂箭则命侍臣取而翫之盖御箭也深异之因询观之道士皆以实对即是佐卿所题乃前歲沙苑纵畋之日也佐卿盖中箭孤 耳究其题乃沙苑翻飞当日集于斯欵上大奇之因收其箭而宝焉自后蜀人亦无复有逢佐卿者矣

王积薪

宗南狩百司奔赴行在翰林善围碁者王积薪从焉蜀道隘狭每行旅止息中道之邮亭人舍多为尊官有力者之所见占积薪栖栖而无所入因沿溪深遽寓宿于山中孤姥之家但有妇姑止给水火才暝妇姑皆阖户而休积薪栖于檐下夜阑不寐忽闻堂内姑谓妇曰良宵无以为适与子围碁一赌可乎妇曰诺积薪私心竒之况堂内素无灯烛又妇姑各处东西室积薪乃附耳门扉俄闻妇曰起东五南九置子矣姑应曰东五南十二置子矣妇又曰起西八南十置子矣姑又应曰西九南十置子矣每置一子皆良久思惟夜将尽四更积薪一一密记其下止三十六忽闻姑曰子已败矣吾止胜九枰耳妇亦甘焉积薪迟明具衣冠请问孤姥曰尔可率已之意而按局置子焉积薪即出橐中局尽平生之秘妙而布子未及十数孤姥顾谓妇曰是子可教以常势耳妇乃指示攻守杀夺救应防拒之法其意甚略积薪即更求其说孤姥笑曰止此已无敌于人间矣积薪防谢而别行十数步再诣则已失向之室间矣自是积薪之艺絶无其伦即布所记妇姑对敌之由罄竭心力较其九枰之胜终不得也因名邓艾开蜀势至今其图有焉而世人终莫得而解矣

平等阁

隋开皇中释子澄空年甫二十誓愿于晋阳汾西铸铁像高七十尺焉鸠集金炭细求用度周二十年物力乃办于是告报遐迩大集贤愚然后选日而写像焉及烟焰熄灭啓鑪之后其像无成澄空即深自咎责稽首懺悔复坚前约再谋铸造精勤艰苦又二十年事费复备则又告报遐迩大集贤愚然后选日而写像焉及啓鑪其像又复无成澄空于是呼天求哀叩佛请罪大加贬挫深自勤励又二十年功力复集乃告遐迩大集贤愚然后选日而写像焉及期澄空乃登鑪巔百尺悬絶扬声谓观者曰吾少发誓愿铸写大佛今年八十两已不成此更违心则

吾无身以终志矣况今众善虚费积年如或踵前失吾亦无面目见众善也吾今俟其啓鑪欲于金液而舍命焉一以谢于诸佛二以表诚于众善悦大像圆满后五十年吾当为建重阁耳聚观万众号泣谏止而澄空殊不聴覽俄而金液注射赫耀踊跃澄空于是挥手辞谢投身如飞鸟而入焉及开鑪铁像庄严端妙毫发皆备自是并州之人咸思起阁以覆之而佛身洪大功用极广自非殊力无由而致开元初李嵩充天平军节度使出游因仰大像叹曰如此好相而为风日所侵痛哉即施钱七万缗周歳之内而重阁成就至今北都谓之平等阁者是也计僧死像成之日至嵩正五十年矣以释法推之则嵩也得非澄空之后身欤

裴珙

裴孝廉珙者家在洛京仲夏自郑西归及端午以覲亲焉下驷蹇劣日势已晚方至石桥于是驱马徒行情顾甚速续有乘马而牵一马者步骤极骏顾珙有仁色珙因谓曰子非投夕入都哉曰然珙曰珙有恳诚将丐余力于君子子其聴乎即以诚告之乘马者曰但及都门而下则不违也珙许约因顾谓已之二僮曰尔可缓驱疲乘投宿于白马寺西吾之表兄窦温之墅来辰徐归因上马挥鞭而骛俄顷至上东门遂归其马珍重而别乘马者驰去极速珙居水南日已半规即促步而进及家暝矣入门方见其亲与珙之弟妹张灯防食珙乃前拜曾莫顾瞻因俯阶高语曰珙自外至即又不闻珙即大呼弟妹之名字亦无应者笑言自珙心神忿惑因又极叫皆亦不知但见其亲顾谓卑小曰珙在何处那今日不至邪遂涕下而坐者皆泣珙私怪曰吾岂为异物邪何其幽显之隔如此哉因出至通衢徘徊久之有贵人导从甚盛遥见珙即以鞭指之曰彼乃生者之魂也俄有佩囊鞬者出于道左曰地界啓事裴珙孝廉命未合终遇昆明池神七郎子案鹰回借马送归以为戏耳今当领赴本身贵人微哂曰小儿无理将人命为戏明日与尊父书令笞之既去而囊鞬者招珙复出上东门度门隙中至窦庄囊鞬者令其闭目自后推之醒然而苏其二僮皆曰向者行至石桥察郎君疾作语言大异惧其将甚因投于此既至则已絶矣珙惊叹久之少顷无恙及归乃以其事陈于家余于上都自见窦温细话其事

萧颖士

兰陵萧颖士杨府功曹秩满南游行侣共济瓜洲舟中有二少年熟视颖士相顾曰此人甚有肖于鄱阳忠烈王也颖士是鄱阳曾孙即自歎陈二子曰吾识尔祖久矣颖士以广众中未敢询访俟及岸方将啓请而二子忽遽负担而去颖士必谓非仙则神防心向矚而已明年颖士北归止于盱眙邑长之署方与邑长下帘昼坐自门遽白云某吏于某处禽获发冢盗共五六人登令召入皆反接其手束缚甚固旅之于庭而颖士悬认江中二少年亦縲继于内颖士惊曰斯二子非仙则神因具述曩事邑长即令先穷二子须臾歎服佐验明着皆云我之发邱墓今有年矣颖士即以前说再令询之皆曰我尝开鄱阳王冢大获金玉当门有贵人顔色如生年方五十髭鬣斑白僵卧于石榻姿状正与颖士相无少差异我舟中遇子又知萧氏固是鄱阳也因此啓言我岂有他术哉用弱尝闻人之绍续其或三五世则必一人有肖其祖先之形状者斯岂验欤

韦宥

元和中故都尉韦宥出牧温州忽忽不怡江波脩永舟船燠 一日晚凉乃跨马登岸依舟而行忽逢浅沙乱流芦苇青翠因纵辔饮马而芦枝有拂鞭者宥因闲援熟视忽见新丝箏 周芦心宥即拔芦伸 其长倍寻则试纵之应手复结宥奇骇因寘于懷行次江馆其家室皆已维舟入亭矣宥故驸马也家有妓乐即付箏妓曰我于芦心得之颇甚新 然沙洲江徼是物何自而来吾甚异之试施于器以聽其音妓将安之更无少异唯短二三寸耳方饌妓即置之赴食随置复结及食罢就视则已蜿蜒舒展惴蠕摇动妓乃惊告众来竞观而双眸了然矣宥骇曰得非龙乎遽命衣冠焚香致敬盛于盂水之内而投于江才及中流风浪皆作蒸云走电咫尺昏晦俄有白龙长百丈擎攫升天众咸观之良久乃灭

蔡少霞

蔡少霞者陈留人也性情恬和幼而奉道早歲明经得第选蕲州叅军秩满漂寓江淮者久之再授兗州泗水丞遂于县东二十里买山筑室为终焉之计居处深僻附近 水石云霞境象殊胜少霞世累早祛尤谐夙尚于一日沿溪独行忽得美荫因就憩焉神思昏然不觉成寐因为褐衣鹿幘人之梦中召去随之逺逺乃至城郭处所碧天虚旷瑞日瞳眈人俗洁清卉木鲜茂少霞举目移足惶惑不宁即被导之令前經歷門堂深邃莫测遥见玉人当轩独立少霞遽修敬谒玉人谓曰愍子防心今宜领事少霞靡知所谓复为鹿幘人引至东廊止于石碑之侧谓少霞曰召君书此贺遇良因少霞素不工书即极辞让鹿幘人曰但按文而录胡乃拒违俄有二青僮自北而至一捧牙箱内有两幅紫绢文书一赍笔砚即付少霞曰法此而写少霞凝神搦管顷刻而毕因览读之已记于心矣题云苍龙溪新宫铭紫阳真人山 卿撰良常西麓源泽东滙新宫宏宏崇轩防防雕珉盘础镂檀竦桀壁瓦鳞差瑶阶肪截阁凝瑞雾楼横祥霓翥虞巡徼昌明捧闌珠树规连玉泉矩泄灵飈遐集圣日俯晰太上游储无极便阙百神守护诸真班列仙翁鹄驾道师冰洁饮玉成浆饌琼为屑桂旗不动兰屋互设妙乐竞臻流铃间发天 虚徐风箫冷彻凤歌谐律 舞防节三变 云九成绛阙易迁虚语童初浪说如毁乾坤自有日月清宁二百三十一年四月十二日建于是少霞方更周视遂为鹿幘人促之忽遽而返醒然遂寤急命纸笔登即纪录自是兗豫好奇之人多诣少霞询访其事有郑还古者为立传焉用弱亦常至其居就求第一本视之笔迹宛有书石之态少霞无文乃孝廉一叟耳固知其不妄矣少霞尔后脩道尤剧元和末已云物故

集翠裘

则天时南海郡献集翠裘珍丽异常张昌宗侍侧则天因以赐之遂命披裘供奉双陆宰相狄梁公仁杰时入奏事则天令昇座因命梁公与昌宗双陆梁公拜恩就局则天曰卿二人赌何物梁公对曰争先三筹赌昌宗所衣毛裘则天谓曰卿以何物为对梁公指所衣紫絁袍曰臣以此敌则天笑曰卿未知此裘价逾千金卿之所指为不等矣梁公起曰臣此袍乃大臣朝见奏对之衣昌宗所衣乃嬖幸宠遇之服对臣之袍臣犹快快则天业已处分遂依其说而昌宗心赧神沮气势索莫累局连北梁公对御就褫其裘拜恩而出及至光范门遂付家奴衣之乃

促马而去

王维

王维右丞年未弱冠文章得名性闲音律妙能琵琶游歷诸贵之间尤为岐王之所眷重时进士张九臯声称借甚客有出入于公主之门者为其致公主邑司牒京兆试官令以九臯为解头维方将应举具其事言于岐王仍求庇借岐王曰贵主之强不可力争吾为子画焉子之旧诗清越者可录十篇琵琶之新声怨切者可度一曲后五日当诣此维即依命如期而至岐王谓曰子以文士请谒贵主何门可见哉子能如吾之教乎维曰谨奉命岐王则出锦绣衣服鲜华奇异遣维衣之仍令赍琵琶同至公主之第岐王入曰承贵主出内故携酒乐奉防即令张筵诸伶旅进维妙年洁白风姿都美立于前行公主顾之谓岐王曰斯何人哉答曰知音者也即令独奏新曲声调哀切满座动容公主自询曰此曲何名维起曰号郁轮袍公主大奇之岐王曰此生非止音律至于词学无出其右公主尤异之则曰子有所为文乎维即出献懷中诗卷公主览读惊骇曰皆我素所诵习者常谓古人佳作乃子之为乎因令更衣升之客右维风流蕴借语言谐戏大为诸贵之所钦瞩岐王因曰使京兆今年得此生为解头诚为国华矣公主乃曰何不遣其应举岐王曰此生不得首荐义不就试然已承贵主论托张九臯矣公主笑曰何预儿事本为他人所托顾谓维曰子诚取解当为子力维起谦谢公主则召试官至第遣宫婢传教维遂作解头而一举登第

王涣之

开元中诗人王昌龄高适王涣之齐名时风尘未偶而游处略同一日天寒微雪三诗人共诣旗亭贯酒小饮忽有梨园伶官十数人登楼会防三诗人因避席俛映拥炉火以观焉俄有妙妓四辈寻续而至奢华艳曳都冶颇极旋则奏乐皆当时之名部也昌龄等私相约曰我辈各擅诗名每不自定其甲乙今者可以密观诸伶所讴若诗入歌词之多者则为优矣俄而一伶拊节而唱乃曰寒雨连江夜入吴平明送客楚山孤洛阳亲友如相问一片冰心在玉壶昌龄则引手画壁曰一絕句寻又一伶讴之曰开筵泪霑臆见君前日书夜台何寂寞犹是子云居适则引手画壁曰一絕句寻又一伶讴曰奉帚平明金殿开强将团扇共徘徊王顔不及寒鶚色犹带昭阳日影来昌龄则又引手画壁曰二絕句涣之自以得名已久因谓诸人曰此辈皆潦倒乐官所唱皆巴人下里之词耳岂阳春白雪之曲俗物敢近哉因指诸妓之中最佳者曰待此子所唱如非我诗吾即终身不敢与子争衡兵脱是吾诗子等当须列拜牀下奉吾为师因欢笑而俟之须臾次至双鬟发声则曰黄河遠上白云间一片孤城万仞山羌笛何须怨杨柳春风不度玉门关涣之即揶揄二子曰田舍奴我岂妄哉因大谐笑诸伶不喻其故皆起诣曰不知诸郎君何此欢噱昌龄等因话其事诸伶竞拜曰俗眼不识神仙乞降清重俯就筵席三子从之欢醉竟日

张鎰

张相公鎰大歷中守工部尚书判度支因奏事称防代宗面许宰相恩泽独厚张公日日以冀

而累旬无耗忽夜梦有人自门遽入抗声曰任调拜相张惊寤因思中外初无其人寻绎不解有外甥李通礼者博学善智张公因召而示之令研其理李生沈思良久因贺曰舅作相矣张公即诘之通礼答曰任调反语是饶甜饶甜无逾甘草独为珍药珍药反语即舅名氏也张公甚悦俄有走马吏报曰白麻适下公拜中书侍郎平章

裴通遠

宪宗迁葬于景陵都城人士毕至时有前集州司马裴通遠家在崇贤里妻女辈亦以车舆纵观于通化门及归日势已晚车驰马骤自平康北街后乃有白头姬徒步奔走随车而来气力殆尽至天门街夜鼓将动车马转速姬亦忙遽而行车中有老青衣从四小女其中或有哀其奔迫者则问其所居对曰崇贤即谓曰与姬同里今亦将归若步履不逮惧犯禁车中尚可通容能登车至里门否其姬乃荷愧丁宁因命同载及至则珍重辞谢而去乃于车中遗下小红锦囊诸女笑而共开之中有白罗制为逝者覆面之物四焉诸女惊骇登弃于路自是不旬日四女相次而卒

邢曹进

赠工部尚书邢曹进至德以来名为河朔之健将也守职魏郡为田承嗣所縻曾因讨叛飞矢中目左右与之拔箭而镞留于骨微露其末焉即以铁钳遣有力者挟而出之痛毒则极其镞坚然不可摇动曹进痛楚计无所施妻孥辈但为广修佛事用希慈防数日则又以索缚身于牀复命出之而特牢如故曹进呻吟忍耐俟死而已忽因昼寝梦见胡僧入于庭中曹进则以所苦诉之胡僧久而谓曰能以米汁注于其中当自愈矣及寤即言于医工医工曰米汁即泔也岂宜溃疮哉遂令广询于人人莫喻者明日忽有胡僧诣门丐食因遽召入而曹进中堂遥见乃昨之所梦者矣即延之座右告以危苦胡僧曰何不灌以寒食飴当知其神验也曹进遂悟飴为米汁况所见复肖梦中则取之如法以防应手清凉顿减酸楚及既夜其疮稍痒即令如前捆绑用力以拔钳才及脸镞已突而出后傅药不旬日而差矣吁西方圣人恩祐显灼乃若此之明徵耶

韦知微

开元中士人韦知微者选授越州萧山县令县多山魃变幻百端无敢犯者而前后官吏事之如神然终遭其害知微既至则究其窟宅广备薪火伺候集聚因环薪纵火众持兵刃焚杀殆尽而邑中累月踪迹杜絕忽一日晨朝有客诣县门车马风尘仆馭憔悴投刺请谒曰兰陵萧慥知微初不疑虑即延入上座谈论笑谑敏辨无双知微甚加顾重因授馆休焉客乃谓知微曰仆途经峡中收得猴雏智能可玩敬以奉贖乃出懷中小合开之而有猕猴大才如栗跳踞宛转识解人情知微奇之因携入夸异于宅内猕猴于是腾跃踊骇化为虎焉扃闭不及兵仗靡加知微阖门皆为啗噬子遗无有矣

狄梁公

狄梁公性闲医药尤妙针术显庆中应制入关路由华州阆阆之北稠人广众聚观如堵狄梁公引辔遥望有巨牌大字云能疗此儿酬绢千疋即就观之有富室儿年可十四五卧牌下鼻端生赘大如拳石根蒂缀鼻才如食筋或触之酸痛刻骨于是两眼为赘所绳目睛翻白痛楚危亟顷刻将绝惻然久之乃曰吾能为也其父母泊亲属叩颡祈请即辇千绢置于坐侧公因令扶起即于脑后下针寸许仍询病者曰针气已达病处乎病人颌之公遽抽针而疣赘应手而落双目顿亦如初曾无病痛其父母亲眷且泣且拜则以缣物奉焉公笑曰吾哀尔命之危逼吾盖急病行志耳吾非鬻技者也不顾而去

宁王

宁王方集宾客谈话之际鬻马牙人麴神奴者请呈二马焉宁王即于中堂阅试步骤毛骨形相神骏精彩座客观之不相上下宁王顾问神奴曰其价几何牙人先指曰此一千缙次指曰此五百缙宁王欣然谓左右曰如言付钱马送上厩宾客莫测其价之悬殊即共咨询宁王曰诸公未喻当为验之即令鞭辔驰驱往复数四笑谓座客曰辨其优劣否皆曰不知宁王乃顾千贯者曰此马缓急百返蹄下不起纖埃复顾五百缙者曰此马往来十过足下颇生尘埃以此等衰其价之高下焉座客乃伏